

傷寒病類方

醫學索源



傷寒病類方



傷寒病類方引

夫傷寒一書乃仲聖統治六經表裏證之全書也該中風傷寒溫病風溫溼熱五者之病皆伏有宿寒因以傷寒名越人難經先標出之後世不善讀其書遂以爲獨治傷寒並有謂亡佚溫暑者不知太陽篇開章首揭發熱而渴不惡寒者爲溫病又發汗已身灼熱者名曰風溫條分縷晰何聚訟之紛紛豈黃芩白虎等湯爲傷寒者所宜嘗試耶白河間宣明論出而喻嘉言繼之後吳又可著瘟疫論雖用白虎承氣等法而以達原飲橫擾於胸中本朝戴麟郊推而廣之又不離九味羌活人參敗毒等之辛溫燥烈在善讀傷寒者知爲五者救誤而設並方藥輕重各有次第惟喻氏稍知

以桂枝湯爲一級麻黃湯爲二級遑矣而以大青龍爲三級惜乎
不明風寒溫溼未有分別於此方中之石膏且不通其辭說矣倘
以葛根湯爲三級乃妄何也蓋麻杏甘石湯桂枝越婢湯大青龍
湯係風溫證之等第而黃芩湯柴胡茵陳湯芩連葛根湯爲溼溫
次序至白虎湯竹葉石膏湯承氣湯等類方是溫熱治法非若理
中真武四逆等則直爲寒立也餘皆隨處加減以盡其功用如環
無端本不敢割裂聖經以自便今爲不習醫者計不得不尋章摘
句強分爲二以取查對之易不啻高明者之一哂耳

傷寒病類方

徐靈胎原本

撫松隱者味清氏述

傷寒六經原病篇

太陽之爲病脈浮頭項強痛而惡寒

發熱汗出惡風脈緩者名曰中風

此中字宜作傷字解非中風論枯之中風讀者勿誤凡傷寒偏

中皆是中風
中寒中熱

惡寒體痛嘔逆脈陰陽俱緊者名曰傷寒

發熱惡寒者發於陽也無熱惡寒者發於陰也發於陽者七日愈

發於陰者六日愈

太陽病欲解時從巳至未上



尺寸俱浮者太陽受病也其脈上連風府故頭項痛腰脊強

陽明之爲病胃家實也

言胃家者該腸胃而言也

陽明病若能食名曰中風不能食名曰中寒

中風口苦咽乾腹滿微喘發熱惡寒脈浮而緊

尺寸俱長者陽明受病也其脈俠鼻絡目故身熱目疼鼻乾不得卧

陽明病欲解時從申至戌上

有太陽陽明脾約是也有正陽陽明胃家實也有少陽陽明發汗利小便已胃中燥煩實大便難是也

陽明居中土也萬物所歸無所復傳始雖惡寒二日自止爲陽明

病也

少陽之爲病口苦舌乾目眩也

少陽中風兩耳無所聞目赤胸中滿而煩者不可吐下吐下則悸而驚

傷寒脉弦細頭痛發熱者屬少陽

少陽病欲解時從寅至辰上

尺寸俱弦者少陽受病也其脉循脇絡耳故胸脇痛耳聾

傷寒三日三陽爲盡二陰當受邪其人反能食而不嘔此爲三陰

不受邪也六七日無大熱其人煩躁者此爲陽去入陰也

太陰之爲病腹滿而吐食不下自利益甚時腹自痛

太陰中風四肢煩痛陽微陰澀而長

傷寒脈浮而緩手足自溫者繫太陰自利不渴者以藏有寒故也
太陰病欲解時從亥至丑上

尺寸俱沈細者太陰受病也其脈布胃中絡噎故腹滿而噎乾
少陰之爲病脈微細但欲寐也

少陰病欲吐不吐心煩但欲寐五六日自利而渴者屬少陰也

病人脈陰陽俱緊反汗出者亡陽也此屬少陰法當咽痛而復吐
利

少陰中風脈陽微陰浮者爲欲愈

少陰病欲解時從子至寅上



尺寸俱沉者少陰受病也其脈貫腎絡肺繫舌本故口燥舌乾而渴

厥陰之爲病消渴氣上撞心中疼熱飢而不欲食食則吐衄下利不止

厥陰中風脈微浮爲欲愈不浮爲未愈

傷寒厥證有虛有實有寒有熱有痰有水當分別治之

厥陰病欲解時從丑至卯上

尺寸俱微緩者厥陰受病也其脈循陰器絡肝故煩滿而囊縮

此傷寒六經之提綱也

太陽中風陽浮而陰弱陽浮者熱自發陰弱者汗自出啻啻惡寒

淅淅惡風翕翕發熱鼻鳴乾嘔者桂枝湯主之

此桂枝湯總證有涉溫病者悉不錄

餘做此欲窺全豹有原文在茲不過述其大略耳

太陽病頭痛發熱汗出惡風者桂枝湯主之

太陽病初服桂枝湯反煩不解者先刺風池風府卻與桂枝湯則

愈

病人臟無他病時發熱自汗出而不愈者此衛氣不和也先其時

發汗則愈桂枝湯主之

太陽病外證未解脈浮弱者當以汗解宜桂枝湯

太陽病外證未解者不可下也下之爲逆欲解外者宜桂枝湯

太陽病先發汗不解而復下之脈浮者不愈浮爲在外而反下之



故令不愈今脈浮故知在外當須解外則愈宜桂枝湯

太陽病下之後其氣上衝者可與桂枝湯方用前法若不上衝者不可與也

傷寒不大便六七日頭痛有熱者未可與承氣湯其小便清者知不在裏仍在表也當須發汗若頭痛者必衄宜桂枝湯

傷寒發汗解半日許復煩脈浮數者可更發汗宜桂枝湯傷寒醫下之續得下利清穀不止身疼痛者急當救裏後身疼痛清便自調者急當救表救裏宜四逆湯救表宜桂枝湯

陽明病脈遲汗出多微惡寒者表未解也可發汗宜桂枝湯

病人煩熱汗出則解又如瘧狀日晡所發熱者屬陽明也脈實者

宜下之脈虛浮者宜發汗下之宜大承氣湯發汗宜桂枝湯

太陰病脈浮者可發汗宜桂枝湯

下後腹脹滿身疼痛者先溫其裏乃攻其表溫裏宜四逆湯攻表

宜桂枝湯

吐利止而身痛不休者當消息和解其外宜桂枝湯小和之

傷寒大下後而復發汗心下痞惡寒者表未解也不可攻痞當先
解表表解乃可攻痞解表宜桂枝湯攻痞宜大黃黃連瀉心湯

此湯

方見
後類

太陽病項背強几几反汗出惡風者桂枝加葛根湯主之太陽病
發汗遂漏不止其人惡風小便難四肢微急難以屈伸桂枝加附

子湯主之

燒鍼令其汗鍼處被寒核起而赤者必發奔豚氣從小腹上衝心炙其核上各一壯與桂枝加桂湯

喘家作桂枝湯加厚樸杏子佳

太陽病下之危喘者表未解故也桂枝加厚樸杏子湯主之

太陽病下之後脈促胸滿者桂枝去芍藥湯主之若微惡寒者去芍藥方中加附子湯主之

傷寒陽脈濇陰脈弦法當腹中急痛先與小建中湯不差者與小柴胡湯主之

傷寒二三日心中悸而煩者小建中湯主之



發汗後身疼痛脈沈遲桂枝加芍藥生薑人參新加湯主之

發汗過多其人叉手自冒心心下悸欲得按者桂枝甘草湯主之
發汗後其人臍下悸者欲作奔豚茯苓桂枝甘草大棗湯主之
服桂枝湯或下之仍頭項強痛翕翕發熱無汗心下滿微痛小便
不利者桂枝去桂加茯苓白朮湯主之

傷寒脈浮醫以火迫劫之亡陽必驚狂起卧不安者桂枝去芍藥
加蜀漆龍骨牡蠣救逆湯主之

脈浮宜以汗解用火炙之邪無從出因火而盛病從腰以下必重
而痺名火逆也火逆因燒鍼煩燥者桂枝甘草龍骨牡蠣湯主之
本太陽病醫反下之因而腹滿時痛屬太陰也桂枝加芍藥湯主

之大實痛者加大黃主之

太陽病得之八九日如瘧狀發熱惡寒熱多寒少其人不嘔清便欲自可一日二三度發脈微緩者爲欲愈也脈微而惡寒者此陰陽俱虛不可更發汗更下更吐也面色反有熱色者未欲愈也以其不得小汗出身必痒宜桂枝麻黃各半湯

服桂枝湯大汗出脈洪大者與桂枝湯如前法若形如瘧日再發者汗出必解宜桂枝二麻黃一湯

問曰證象陽旦按法治之而增劇厥逆咽中乾兩脛拘急而譫語師言夜半手足當溫兩腳當伸後如師言何以知此答曰寸口脈浮而大浮則爲風大則爲虛風則生微熱虛則兩脛攣病證象桂

枝因加附子參其間增桂令汗出附子溫經亡陽故也

按陽旦湯
即桂枝加

桂枝加附子湯二
方合法也未知是否

太陽病頭痛發熱身疼腰痛骨節疼痛惡風無汗而喘者麻黃湯主之

脈浮者病在表可發汗宜麻黃湯

脈浮而數者可發汗宜麻黃湯

太陽病十日以去脈浮細而嗜卧者外已解也設胸滿脇痛者與小柴胡湯脈浮者與麻黃湯

太陽病脈浮緊無汗發熱身疼痛八九日不解表證仍在此當發其汗（麻黃湯主之）服藥已微除其人發煩目瞑劇者必衄衄乃



南京中醫藥大學圖書館版權所有

解所以然者陽氣重故也（麻黃湯主之）

此句當在服藥前方
是此乃倒裝筆也

傷寒脈浮緊不發汗因致衄者麻黃湯主之

陽明病脈浮無汗而喘者發汗則愈宜麻黃湯

太陽病項背強几几無汗惡風葛根湯主之

太陽與陽明合病者必自下利葛根湯主之不利但嘔者葛根加

半夏湯主之

傷寒表不解心下有水氣乾嘔發熱而咳或渴或利或噎小便不

利少腹滿或喘者小青龍湯主之

傷寒心下有水氣咳而微喘發熱不渴服（小青龍）湯已渴者此

寒氣欲解也（小青龍湯主之）

此倒筆法服湯已即服小青龍湯
已非寒氣欲解後更服小青龍也



南京中醫藥大學圖書館版權所有